



E FUNDESHI DI DIOS SU GOBIERNU



"Y e dragón tabata furioso ku e muhé, i el a bai pa hasi guerra ku e restu di su desendientenan, kende ta warda e mandamentunan di Dios i tin e testimonio di Hesus Kristu."

(Revelashon 12:17, BS)



I
"Não farás outros
deuses diante de Mim."

II
"Não farás para ti
imagem de escultura."

III
"Não tomarás
o nome do Senhor
teu Deus em vão."

IV
Lembra-te do dia
do sábado para
o santificar."

V
"Honra teu
pai e tua mãe."

VI
"Não matarás."

VII
"Não adulterarás."

VIII
"Não furtarás."

IX
"Não dirás
falso testemunho."


X
"Não cobiçarás."



Dor di opservá e mundu rònt di nos nos por mira ku Dios a krea leinan ku ta governa esaki. Leinan ku ta determiná, por ehèmpel, e manera den kual e ser bibu ta krese i ta desaroya. Tin un lei ku ta prevení nos di wòrdu kitá afó mientras e Tera ta drai riba velosidat haltu riba su kaminda fiho rònt di e solo.

Dios a krea tambe un Lei ku ta indiká kon nos mester aktua, i dor di kual tantu e habitantenan di e mundu aki komo e habitantenan di otro mundunan, inkluyendo angelnan, ta wòrdu goberná.

Dios ta implantá e Lei aki den tur ser inteligente den e universe (Rom. 2:15). Sinembargo, piká a desformá e Lei den nos. Pesei, Dios mes mester a transmití esaki na nos pa medio di bos(stem) i por eskrito (Deut. 4:13).



E Lei:



E Lei den e Santuario Selestial.



E Lei Eterno.



Sabat:



E nifikashon di Sabat.



E Sabat i e tempu di e fin.




E Lei, e Sabat i adorashon.

E LEI

E LEI DEN E SANTUARIO SELESTIAL

**“ E ora ei Dios Su tèmpe den shelu a wòrdu habrí, i paden di Su tèmpe a wòrdu mirá e arka di Su aliansa ”
(Revelashon 11:19a)**




Juan a mira e santuario selestial habrí i, den dje, e arka di e aliansa “ a wòrdu mirá ” (Rev. 11:19). E arka di e santuario selestial a wòrdu skondí te ku e tempu ei? Kiko e vishon aki tabata representá?

Pa por komprende e vishon aki, nos mester wak na e santuario terenal, I e ritonan ku tabata wòrdu selebrá einan.

E arka a keda “ skondí ” dor di henter e aña, i por a wòrdu “ mirá ” solamente riba e Dia di Ekspiashon (Lev. 16:2, 12-13). E dia ei e huisio a wòrdu tené, i pikánan tabata wòrdu eliminá definitivamente (Lev. 16:30).

E vishon duná na Juan ta indiká ku, pronto despues di e vishonnan di kapítulo 11 (i.e., ora ku e Beibel a plama enormemente den e tempu tempran di siglo 19), e Huisio den Shelu a kuminsá.

Manera su kopia terenal, e arka ta kontene e 10 mandamentunan , pa medio di kual nos lo wòrdu huzgá. Tambe e ta kontene e propisitorio, un símbolo di misericòrdia divino, kaminda e sanger di Hesus ta tapa nos pikánan (1Pedro 1:18-19: 1Juan 2:2: Salmo 85:10).




E LEI ETÈRNO

“ No kere ku Mi a bini paa abolí e Lei òf e Profetanan; Mi no a bini pa abolí nan pero pa kumpli ku nan ” (Mateo 5:17 NIV)

Ounke awor ta masha komun pa tende ku Hesus a abolí e 10 mandamentunan riba e krus, esei no tabata e siñansa di e reformadónan, ni esaki ta loke e Beibel ta siña.

Mientras ku ta bèrdat ku, riba e krus, e leinan i seremonianan relashoná na e santuario terenal a stòp di ta válido, esaki no tabata e kaso ku e Lei moral (Efe. 2:15).



E Lei di Dios ta etèrno, sin tempu, perfekto, i ta goberná e komportashon di tur ser inteligente kreá dor di Dios (Salmo 19:7; 119:142; Rom. 7:7, 12, 16, 22, 25; 1Juan 3 :4).

Den realidat, e Lei ta etèrno pasombra e ta un reflekshon di e propio karakter di Dios.

E karakter di Dios

“ Hustisia i huisio ta e fundeshi di Bo trono ” (Salmo 89:14a)

“ Miserikòrdia i bèrdat ta bai dilanti Bo kara ” (Salmo 89:14b)

E Lei

“ Pasombra tur Bo mandamentunan ta hustisia ” (Salmo 119:172b)

“ Bo lei ta bèrdat ” (Salmo 119:142b)



E NIFIKASHON DI SABAT

“ Kòrda e dia di Sabat dor di ward'é santu ” (Eksodo 20:8)

E di kuater mandamentu ta rekerí opservansia di e Sabat pa dos rason: pasombra Dios a krea nos (Eks. 20:8-11); I pasombra El a redemí nos (Deut. 5:12-15).

Pa nos, Sabat ta konstituí(komponé) un pouosa den e siman pa alaba nos Kreador; medita riba Su amor redemido; i kòrda Su promesa pa biba ku Ne den e Kreashon Nobo. Komprenyé di e manera aki, e Sabat ta pa nos un bendishon speshal for di nos Dios.



Di e otro banda, e ta rekòrdá nos ku Dios a stima nos muchu hopi pa bandoná nos ora ku nos a separá for di djE. E ta un símbolo di sosiegu, no trabounan; di grasia, no legalismo; di seguridat, no di kondenashon; di dependensia riba Dios pa salba nos, no riba nos propio esfuersonan pa hasi asina.

Dor di warda e Sabat, nos ta manifestá nos lealtat na Dios, i nos deseo pa adora E so.

E SABAT I E TEMPU DI E FIN

“ Na e di dos bestia poder a wòrdu duná pa duna rosea na e imagen di e promé bestia, asina ku e imagen por papia i hasi ku tur esnan kende ta nenga di adorá e imagen ta wòrdu matá” (Revelashon 13:15)

Revelashon 13 ta deskribí diferente podernan huzá dor di Satanás pa engañá e mundu for di Dios. Tur kos den e kapítulo aki ta relashoná na adorashon (Rev. 13:4, 8, 12, 15).

Un di e podernan menshoná ta relashoná direktamente na e kachu chikitu di Daniel 7, kual ta buska pa kambia e tempunan i e lei (Rev. 13:5; Dan. 7:25 – e periodo di 42 luna ta meskos ku tmpu, tempunan i mitar di un tempu).

E poder aki a anulá e di dos mandamentu (adorando imagennan), i a transformá e di kuater (e tempu di adorashon), transladando e santidat di Djasabra na Djadumingo.

Den e momentunan final. é lo wòrdu forsá pa adorá un “ imagen ” dor di prohibí kumpramentu i bendementu [aktividatnan prohibí riba e Sabat] (Rev. 13:14-17). E “ marka de e bestia aki ” ta un símbolo ku ta bisa nos tokante di esnan kende lo aseptá e Djadumingu instituí dor di hende komo un dia di adorashon, na lugá di Djasabra instituí dor di Dios.





E LEI, E SABAT I
ADORASHON

« El a bisa na bos duru, " Teme Dios i dun'E gloria, pasombra e ora di Su huisio a yega. Adorá Esun ku a traha e tera, e laman i e fuentenan di awa "» (Revelashon 14:7)



E mensahe di tres parti ku a wòrdu proklamá durante di e tempu di e fin a wòrdu konektá na adorashon i, pesei, na e Sabat i e Lei di Dios.

Promé mensahe

Revelashon 14:6-7

Prepará pa huisio (di ken su standarte ta e Lei), e adorá e Kreador (segun e Sabat ta rekòrdá nos)

Di dos mensahe


Revelashon 14:8

Separá(alehá) for di sistemanan religioso ku ta duna adorashon falsu na Dios

Di tres mensahe

Revelashon 14:9-11

Disidí ken i kon pa adorá: Dios, opservando e Sabat; òf e enemigu, aseptando su marka



Dos karakterístikanan ta wòrdu duná di esnan kende ta para firme den e tempu di e fin: " nan ta warda e mandamentunan di Dios i e fe di Hesus " (Rev. 14:12).

Pa por warda e mandamentunan den e momentunan krítiko ei, nan tin mester di risibí e fe di Hesus: ku no por wòrdu sakudí; profundo; komprometí; invensibel.

“ Si e Sabat a wòrdu wardá universalmente, hende su pensamentunan i afekshonnan lo a wòrdu guiá na e Kreador komo e opheto di reverensia i adorashon, i nunca lo tabatin un adoradó di ídolo, un ateo, òf un inkrédulo. E wardamentu di e Sabat ta un señal di lealtat na e Dios bèrdadero, “ Esun Kende a traha shelu, e tera, i e laman, i e fuentenan di awa.” E ta sigui ku e mensahe kual ta demandá hende pa adorá Diosi warda Su mandamentunan lo yama speshalmente riba nan pa warda e di kuater mandamentu ”